



6+

# ИЛОСТА

2014  
Вольгым  
21-öd  
лун

46№  
(1171)



«Ме коми кывсö  
радейта да тöда!»





**Тайо  
НОМЕРЫН**

Кольом вежонö «Йолга» газет редакциясы журналистяс ветлісны тöдмасыны Корткерос районса Локчимдинын меститчом тыр арлыдтом челядылы реабилитация шöринö.

8-9  
л.б.

Дзик на неважон «ВКонтакте» отуввезса социальной сетельон «Сёрни-басни» котырын (<http://vk.com/intrue>) Инесса Орёл восьтис аслысполос флешмоб. Сылон могыс - висьтавыны коми войтырлы, мый чужан кыв оло, и эм уна йоз, коды тайо кывыис дона да муса.

10  
л.б.

«Он куж висьтавыны мый йылысь ко вит арöса кагалы - сідзко, ачыд он гөгөрво» - шулывалма Эйнштейн. Тайо кывъяс выло пыксёмон и мунис ноябрь 16 лунö юркарс Отябрь кино петкөдлан да прөст кад коллялан шöринын наукаясн мод слэм.

11  
л.б.

Кутшом тшөкыда ми быдлунъя тöжд-могын огö казайо оломын паныдасылысь мичлун да шемöсмодантор йылысь. А öд на дорöдз коло сомын нюжодчыны да инмодчыны...Лым чир... Кутшом мича да аслыполос сийö! Вөлөмкө, сымандатор на ми огö тöдöй лым чир йылысь.

16  
л.б.

**Ноябрь 14 лунö Емдин районса администрацияын чукөртчыліс том йөзлөн проектной комитет.**

**Босьт  
ПРИМЕР**



# Водзмөстчöны Емдинса томулов

Сэки жö петкөдчис «Том войтыр» ныв-зонлөн котыр. Сэни зильоны Микуньса школаын велөдчысыя, туристической шöринысь томулов. Найö висьталісны асланыс удж йылысь.

Адззысьлом дырйи сёрнитчисны котыртны сідз шусяна некоммерческой партнёрство, öд таdzi поэö пырöдчыны гранта конкурссысö, шылыдыжка котыртны удж.

«Гренада» лагерын гожа уджалан бригадаслөн слёт йылысь висьталіс Ирина Шибалова, сёрнитіс и Коми Республикаса том йөзлөн парламентысь депутат Валентина Митракова. Ирина Ляшенкова - районса администрацияын том йөзлөн юкөнөн веськөддысь - висьталіс проектной комитетлөн водзö удж йылысь. Сийö тöдчөдіс, кутшом колана волонтерской отмуномлөн зильомыс, а сідзжө эскөдіс, мый томуловлөн выль мөвпгьяссö оломö збыльмөдны отсаласны муниципалитетон веськөддысыя.

*Емдин районса администрациялөн пресс-служба*

**ТÖЖД-МОГ**

**Ноябрь 24-25 лунъясö Сыктывкарын лө «Детство без жестокости и слёз» конференция.**

## Медым шудаёсь лоины челядь

Адззысьломö пырөдчасны Коми Республикаса Госсоветысь да Правительствоысь чина йөз, Комиын челядылысь право дорйысь уполномоченной, пытшкөсса делöяс министерствоын, прокуратураын, велөдчан да дзоньвидзалун видзан ырвизыын уджалысыя, а сідзжө Комиын да Екатеринбургын социальной учреждениеясын зильысыя да челядбос нөйтөм-увтыртөмысь видзысь Москваса национальной фонд.

Конференцияыс мунас Сыктывкарса университетын да социальной технологияс совмөдан регионса шöринын. Сёрнитасны, кызди водзвыт тöдмавын семьяпытшса мытшөдыя йылысь, кызди видзыны тыр арлыдтөмаясöс нөйтөм-увтыртөмысь, кызди бурдыжка котыртны индөм ырвизь серти удж.

*Социальной технологияс совмөдан регионса шöринлөн юр серти.*

## Йöзкостса паськöмлön мич

Декабрь 3-6 лунгясö Ськтывкарын лоö «Шкатулка самоцветов» йöзкостса паськöм петкöдлан регионгяскостса фестиваль-выставка.

Фестивальыслön медводдза юкöныс мунас ноябрь 24 лунö нин. Сэки жюри донгялас, бура-ö дасьтöма творчества вöчöмторсö. Мöд юкöныс, кор донгяласны вöчöмторгяслысь мичлунсö, лоö декабрь 3 лунö, буретш сэки и воссяс фестивальыс.

Фестиваль-выставкаö пырöдчасны Ськтывкарысь, Печораысь, Куломдин, Ськтывдин, Луздор районгясысь. Найöс донгяласны вит номинация серти. Йöзкостса паськöма аканы, öнйя этнической паськöм, йöзкостса паськöм дорö баситчантор да мукöд нимпас.

Котыртасны тшöтш мастер-классгяс да семинаргяс, гажöдасны Ськтывкарысь да Перым карысь творчества котыргяс.

*«Коминформ» серти*

## Коми зонгяс мунисны армияö

Коми Республика 20 прöчент вылö тыртöма призывнöй кампанигалысь плансö. Республикаын военнöй комиссарлön отсасысь Виктор Беляев шуис, Княжпогост районса Емваса сборнöй пункт пыр пö муни нин 690 морт, а 490 зонмös ыстöма нин войскаясö.

Емваса сборнöй пунктö волöма и Коми Республикаса Юралысь Вячеслав Гайзер. Сийö шыöдчöма призывникгяс дорö да корöма пыдисянь велöдны военнöй специальностьгяс, öд «гражданкаын» пö ставыс ковмас, а нöшта корöма видзны дзоньвидзалун.

Виктор Беляев серти, Комиысь зонгяс веськалöны Рытыв-Войвыв регионö, а сідзжö Москваö да Россиялön шөр юкөнö. Öткымынön кольчöны служитны республикаö. Мөдöдчöны служитны быд пöлос войскаö: ВДВ-ö, морфлотö, мотострелковöйö, инженернöйö, пытшкöсса войскалön юкөнгясö.

*«БНКoми» серти*



## Велöдчасны гындыны

Койгорт районын эштöма «Изготовление изделий народных промыслов и ремёсел на основе мокрого валяния» уджтас серти мастер-класс. Сийö мунома 12-14 лунгясö Койгортса «Берегиня» ремесленнöй шöриньин.

Койгорт район оз нин öтчыдысь нуöд йöзкостса прöмысел серти удж-гаж: шуам, «Лучший мастер года» быдвося конкурс, быд пöлос мастер-классгяс. 2010 воын котыртöма сямöдысь, а 2011 - бадь вужийысь вöчасян мастер-классгяс, а гындыны велöдчыны заводитисны медводдзасысь на.

Мастер-классö пырöдчöны йöзкостса творчество шöрингясын зылысыяс, труд урок велöдысыяс, кружок нуöдысыяс да кодi кöсий велавны кипода уджö.

*«Финноугория» серти*



[http:// vk.com /yologa](http://vk.com/yologa)





**КОЛАНА УДЖ**

*Колян вежонё кыпыда воссис «Зеленая волна - 2014» туй-вывса индодъяс том дозьоритысь котыръяслон (ЮИД-яслон) чукортчом.*

# Том отсасысьяс дасьёсь

Слёт выло ныв-зон воисны юркарса кызы велодчанінысь. Медводз ГИБДД-лы том отсасысьясоч чолмаліс слёт нуодысь - инспектор, коді сиис велодчысьяслы бура петкодчыны конкурсын. Но другысь залын пукалысьяс пөвстын «хулиганка», да косьис торкны гажсө. Нывка серти, туй вылын индодъяс тодны некутшом абу гажа, а сідзкө, тайо некодлы оз и ков. Инспектор, дерт, тадзи эз чайт да корис челядьос велодны ыръянитысь нывкакөд оттшотш туйвывса правилөяс. Залын ставныс зілісны сетны инспекторлөн юаломъяс выло вочакыв, тодмавлыны ребус да загадкаяс. Та борын «хулиганка» шаньмыштіс да окотитіс видзөдлыны котыръяслысь творческой уджъяс.

Чолмалана кыпыд кывъясон конкур востіс юркарса ГИБДД-ысь пропаганда юкөнын зілысь инспектор Вера Валерьевна Крючек. Конкурсö пырөдчысь войтыр окотапырысь петкодлісны мойд, презентация да ичотик кинояс, а 16 номера школаын велодчысьяс петкодлісны донъялом выло «вуджора театр».

Быд котырлөн петкодчөм артмис алыснога лосыд, но од быд конкурсын быть колө бөрийыны вермысьос. Сідз, медя ичотгыс пөвстын 3 места вичмис 7 номера школаы, мөд - 16 номера велодчанінаы, а медвылыс тшупөд - Коми национальной гимназиялы. Гырысьяс костын 3 местаын лоины 18 номера школа, 2 тшупөд вичмис 21 номера велодчанінаы, а вермысьон лои юркарса челядьлөн да томуловлөн творчество двореч.







*Кольём вежон чöж юркарса ГИБДД-ын да Сыктывкарса администрациялөн велöдан юкöнын зильсыяс нуöдисны туйвывса неминучаö веськалöмысь профилактикаа удж.*

## Казьтисны неминучаö веськалöмаöс

Инспекторьяс сёрнитисны велöдчысьяскöд, петкöддисны налы презентацияс. Юркарса 38 номера школаысь том инспекторьяслөн котыр пунктис ассыс пай тайö колана уджö: ныв-зон дасьтисны да нуöдисны «Стань заметным - засветись, на дороге не торопись» акция. Посниулов разöдисны войтырлы пемыдынын югьялысь брелокьяс, медым йöз вермисны повтöг вуджны туй. А лозунгьяс да плакатьяс ышöдисны подöн ветлысьясöс лоны сюсьöн да видзчысянаöн туй вылын.

Ноябрь 13 лунö республикаса Юралысьлөн общественной приёмнойлөн юркарса юкöнын мунис туй вылын видзчысьöм серти «пöсь линия». Юалöмгьяс вылö вочавидзисны юркарса ГИБДД-ын да «Тэрыб отсöг» службаын уджалысьяс.

Ноябрь 16 лунö 21 да 36 номерьяса школаын велöдчысьяс разöдисны подöн ветлысьяслы да шоперьяслы туйвыса индöдгьяс йылысь листовкаяс. Уна водитель сöмын тайö акция бöрын тöдмалисны туйвывса неминуча веськалöмаяслөн память лун йылысь. Акциялөн аслыспöлöс тшупöдөн лои енэжö еджыд (туй вылын доймалöмалы) да съöd (кувсьöмалы сийöм) шарьяс лэдзöм.

*Юркарса ГИБДД-лөн юöр серти.*

**ГАЗ** *Челядьлы да том йöзлы юркарса творчество дворечлөн «Мастер игры» котыр коймöдысь нин ветлис «Ярмарка затей» челядьöс ворсöдан уджтасьяслөн фестиваль вылö. Россияса уна карысь 10 котыр юксис аслас тöдöмлун да петкöдлис ассыс сям. Таво фестивальыс мунис Звенигород карса «Поречье» лагерын.*

## Енбиаыс содö



Котырьяслөн фестиваль дырйи дасьтылисны конкурсыс да квестьяс. Лагерыслөн ыджыд иныс сетис позянлун паськыда гажöдчыны.

Ми - «Мастер игры» котырö пырысьяс - фестиваль кежлö дасьтим «Hip-hop» уджтас. Висьталим hip-hop субкультура йылысь, кызди сийö чужи да сöвмис, юöртим хипхоперьяс йылысь. Мыйла буретш тайö темасö бöрийим? Чайтам, талунгья лунö темаыс колана, öд субкультурасö вöчöма том йöзлысь дзоньвидзалун сöвмöдöм могысь. Хипхоперьяс зэв енбиаöсь: серпасалöны граффити, лöсьöдöны да лыддьöны реп, катаятчöны скейтбордöн, ворсöны уна сикас музыкальной инструментöн.

Фестиваль кежлö дасьтысим кывкутöмөн, корсим ас тема серти колана юöр. Тадз и асьным унатор тöдмалим. Шуам, мый hip-hop чужöма наркотиклы, юöмлы, став лектор вöчöмлы паныд. Öд медым водзмöстчыны hip-hop нырвызын, колö крепыд дзоньвидзалун. Миянлысь петкöдчöм видзöдöм бöрын, жюри висьталис, мый нöшта позьö вöчны уджтас бурмöдöм могысь. Кутам водзö зильны.

Фестиваль дырйи тöдмасим выль йöзкöд, аддзим важ ёртгьясöс. Нимкодь, мый ставөн зилисны отсавны мыйöнкö öта-мöдлы. Быд во енбиа том-уловлөн лыдыс содö.

*Юлия ВАКУШКИНА да Валерия ГОРЧАКОВА.*



**Эм татшом  
УДЖ**

*Тодса, мый пыр унджык и унджык том морт вуз помалом бoryн оемодчо карo, а сиктын том специалистто геждо паныдавлан, но татшом йозыс эмось на тай. Тодмасьой: тайo мича да авья нылыс - Евгения Евгеньевна Вишератина, Корткерoс района-са Локчимдиньсы фельдшер.*

**Евгения ВИШЕРАТИНА:  
«Сиктса йозoс бурдoда»**

- Чолoм, шуoны менo Евгения, 23 арoс тырти. Таво помалi Сык-тивкарса Морозов нима медицинскoй колледж да озик пыр бoр вои Корткерoс чужан сиктo. Уджавны велoдла юрсиктсьань Локчимдинoдз, ола мам-батькoд га радейтана пикoд.

- А мыйла бoрйин тайo велoд-чанинсo? Oд бурдoдысьлoн уджыд абу кокныд.

- Бурдoдысьoн окотити лоны челядьдырсьань на, а 9 классын тoда нин вoли, кытчo кoсья мун-ны велoдчыны. Гашкo, та вoсна и гoрд дипломoн колледж помалi, велoдчoмыс сьoлoм серти вoли да.

- Гoрд дипломад oд уна oдзoс вoсьса. Мыйла сиктo уджавны мунин, колoкo, окота вoли карo кольчыны?

- Збыль, унаoн корисны уджав-ны, и карса бурдoдчаниньясo тшoтш, весиг сiдз шусяна частнoй клиникаясысь звoнит-лывлiсны. Но ме пыр окотити гортo локны, сиктса йoз пoвстын уджавны, да и менам пидo танi, мам-батьoй, наысь дона меным некод абу. Oнoдз на локтoны удж

вoзйoмoн письмoяс, но татысь ме ог мун.

- Кутшoм сьoкыдтор тэныд паныдасьлис вьль уджын?

- Удж вьлo ме петi тавoся август тoлысьo, медводз, дерт, уна вoли мытшoдыс, но каг мысти став колана аппаратура вайис-ны, да и ачым велалi. Талун жежлo сoмын oтитор майшoдлo: кабинетoй кoдзыд, а ме дiнo oд и ичoтник кагуккoд волoны. Овлoны, дерт, сьoкыдлуньясыд, но та дoрo ме пыр дась.

- Сиктса войтыркoд кокниа oти кывйo воин?

- Унджыкыскoд вoли кокни, но, дерт, быд морт аслыспoлoс, колo корсьны сiдз шусяна подход, ко-лана кывьяс.

- Уджыд сьoкыд, мый тэныд отсалo содтыны эбoстo?

- Да, миян сиктыд ыджыд, тшoкыда овлo, мый сeр рытoдз удж вьлын да войнас вермасны на корны. Но ме oд абу oтнам, миян кoть ичoт котыр, но вель eртасян уджьeртьяс. Век oтa-мoдгы отасям - танi тагзи уджалiгад ставсo венан.



- Прoст кадыд, дерт, этша, кьдзи сийoс коллялан?

- Eна уна гажoдчан да шойччан места сиктаг абу, а меным быттьo оз и ков. Эм радейтана йoз - семья, быд прoст здук сия налы. Чайта, мый менам эм став-выс - семья да радейтана удж, сeсья нинoм оз и ков.

*Сeрнитic Мария ИГУШЕВА.*

**Тшунoдга  
ШАГ**

*2014 воын М.Ю.Лермонтов чужoмсьань тыри 200 во, тайo тoдча-на паслы таво вoли сиoма уна мероприятие.*

**Нимoдoны Михаил Лермонтовoс**



Койгортса челядьлы шoр библиотека эз жo коль тавыс бoкo: лoсьoдiс да нуoдiс серпасасян конкурс. Медбур уджьяс мoдoдiсны М.Ю.Лермонтовлoн гижoдьяс серти серпасьяс кoстын став Россия пасьтала мунысь конкурс вьлo. Районын сюри уна окотитысь петкoддыны серпасасян сямсo, а вермысьсoн лоины Настя Бессонова, Саша Черкесова да Регина Бурда. Молодечьяс! Нoшта медбур серпасьяс ныв-зон ыстiсны став Россияса конкурс вьлo Лермонтов нима музейo. Виччысьям бур юoрьяс.

*Койгортса челядьлы шoр библиотекаын уджалысь Инна Александровна ШУСТИКОВА*





## Сиктысь - карё ЮОР ВАЯМ

*Көрткерёс районса Шойнатыын меститчөм сиктлөн история музейын оз нин медводдзаысь чукөртны вильвося чачаяслысь коллекция. Наён коркө мичмөдлісны вильвося коз мян бать-мам, пөль-пөч.*

# Аддзысьлісны нин Көдзыд пөлькөд!



Сійо кадся медуна чача вөчисны Москва областьтысь Клин карса медся нималана фабрикаын. И абу прөста буретш сәні эм вильвося чачаяслөн музей. Весиг гождьмнас сәні йөзсы оз бырлы.

Со и ми - Шойнатыса челядлөн содтөд төдөмлун сетан шөринысь ныв-зон да велөдысьяс - ветлім сэтчө арся каникул дырйи. Ок, ёна кажитчис музейыс! Та мында вильвося чача-сьыс юрыд бергөдчас. Музейын нөшта петкөдлөма сійо либө мөд страналысь вильвося коз, а сы серти, кызди мичмөдөма сійос, позьё гөгөрвоны, кутшөм войтыр сикаслөн. Королевской Великобритания, маскарадной Бразилия, Италия да сідз водзё. Но медьёна синмад шыбитчө музейслөн медшөр козйыс, коть синтө сысь эн вешты. Виччысьтөмөн лои и Көдзыд пөлькөд паныдасьлөм (өд календарь вылын сөмын на ноябрь 5 лун вөлі).

Ми пырөдчылім мастер-классө, мичмөдім вильвося чача, а бөрас найос босьтім аскөд. Буретш ас серпасөн мичмөдөм чачаясөн мичмөдам 2015 вося вильвося коз.

Арся каникул дырйи ми пырөдчылім вильвося кадө. Мөд луно ветлім Москваса нималана ингысті. Каникулным эз весьшөрө коль.

*Галина Ивановна ПАНЮКОВА,  
педагог-организатор.*

## Радейтан кө мода

Көрткерёс юрсиктын меститчөм культура да шойччан шөрин корё 14-18 арөса модничаясө «Образ» мода театрө, а 5 арөссянь зонпосниөс виччысьö «Волшебный сундучок» челядлөн мастерской.

- *Мода театрын велөдчан лоны художникөн да дизайнерөн, кутан гөгөрвоны модалысь петкөдчөм, сөвмөдан художественной нырвизь. Сценавывса пластика да дефиле сөвмөдас мича вöрас да мыгөр, - висьталіс «Образ» театрөн веськөдлысь Мария Шрамм.*

Занятие дырйи төдмасыны модалөн историяён, моделированиеөн, велөдчасны вурсьыны. Верстьөджык нывьяс вермасны вурны аслыспөлөс баситчантор либө паськөм, а ичөтджыкьяс велөдасыны лоскутной техника да оригами.

## А тэ кызди коллялін гождөм?



Көрткерёс юрсиктын меститчөм культура да шойччан шөринын чолөмалісны «Кызди ме коллялі гождөм» тема серти видеоконкурсө пырөдчысь велөдчысьясөс.

Донъялысьяслөн тшөктөм серти ставныслы вичмисны аттьөалана гижөдьяс. Уна нимпас серти вермысьөн лоины Ыджыдвиддзысь Полина Старцева, Көрткерёсысь Александр Хвастунов, Захар Дормидонов да Кристина Зубец.

Та кызди өтувезыин вөлі нуөдөма гөлөс чукөртөм. «Лайк-лидер» нимпасын мөдысь нин вермис Александр Хвастунов.

*Көрткерёс районса  
«Звезда» газетлөн  
сайт серти*



Кольөм вежонө «Йөлөгэ» газет редакцияысь журналистъяс ветлісны төдмасыны Көрткерөс районса Лөкчимдінын меститчөм тыр арлыдтөм челядьлы реабилитация шөринө.

АДДЗЫСЬЛӨМ

# «Йөлөгэ» - Лөкчимдінын

Пырөмсяньыс нин шөринын быттьө өвтыштис кутшөмкө шаньлунөн да мелілунөн. Сөстөм да кыпыд жыръясыс гажөдісны синтө. А сэсся и аддзысим сэтчөс ныв-зонкөд, кодъяс важөн нин вичысыьмаөсь коми журналистъястө.

Посниулов медводз лыддисны мича кывбуръяс да сьылісны ставөн отув асланыс «ичотик поз» йылысь. Та бөрын «Йөлөгэ» газетса главнөй редактор Галина Макарова висьтыштис петас йывсьыс, нуөдіс ичотик викторина газетлөн история йылысь. Ныв-зон, көть и кызвыныс рочөсь - зілісны окотапырысь вочавидзны юалөмъяс вылө.

Медбөрын шөринса ныв-зонлы козин пыдди «Йөлөгэсынь» вичмисны небөг-блокнотъяс да газетъяс. А коми журналистъяслы шөринса уджа-



лысьяс козналісны ас киөн дасьтөм мичасьыс-мича вөчөмторъяс.

Уси шуд сёрнитыштны шөринын зілысьяскөд налөн удж да быдтасъяс йывсьыс.

## Мед кага вөлі шудаөн

Коймөд во нин веськөдлө тыр арлыдтөм челядьлы реабилитация шөринөн Ирина Валерьевна Ульнорова. А сыөдз ань матө сизим во зільөма Лөкчимдін сиктса юралысьөн.

Уджын медшөр могыс Ирина Валерьевналөн да сэтчөс уджалысьяслөн - медым эськө татчө веськалөм посниуловлы ставыс воис сьөлөм вылас, медым быдмысь войтыр кылісны асьнысө шудаөн, медым налы вөлі шоныд да кыпыд.

- Шөринө веськалөны районса сикт-грездъясысь ичөртөг олысь бать-мамлөн 3-18 арөса челядь, - юксьө Ирина Валерьевна. - И быдөн дорө на пөвстысь колө торъя матыстчөм. Миян уджалысьяс асьныс зэв шань сьөлөмаөсь, и тайө шаньлунсө да мелілунсө найө вуджөдөны посниуловлөн сьөлөмъясө.

Шөринө веськалөм кага олө тані куим төлысьөдз, буретш тайө каднас сьлөн мам-батьлы сетөны позянлун бурмөдны олан сямсө. Но овлө и сідз, мый быдтас олө шөринын өна дырджык. И Ирина Валерьевна серти, татчөс уджалысьяслы колө бергөдны вель ыджыд удж, медым зонпоснилөн водзө



олөм вылө видзөдласыс өна торъяліс лөк оласнога мам-батьсыныс.





# Аттё кывкутана уджысь

Оксана Васильевна Букреева 20 во нин уджалö тыр арлыдтöм челядьлы Лöкчимдінса реабилитация шöриньын. Талунгъя лунö сійö зильö соцпедагогөн. Мөд удж йылысь весиг оз мөвпав, кöть эськö нокыс тырмымөн.

- *Ёна отсалö мян уджын кипода удж. Кор ныв-зон локтöны мян горö, воспитательяс петкöдлöны, мыйö позьö велавны мян шöриньын: бисерөн кысыны, оригами вöчны да сiгз водзö. Быдён бөрйö сьёлöм серти удж. Зiлям и гзоньвидзалун ёнмöдöм, чужан му радейтöм да уна мукöд колана нырвизь серти,* - висьталö Оксана Васильевна.

Кöрткерöс районьын челядьлы татшöм реабилитация шöриньыс öти. Кагаыс вермö некымынысь веськавлыны татчö. Дерт, медводдзавысь кодi локтö - польштöкодъ выль инысь, выль йöзысь, видзчысьö быттö мыйыськö. Но воспитательяс да челядь сьёлöмсяныыс вочаалöны быдёнöс, зильöны отсавны ёрта-ёртлы. Шöриньын ныв-зон вунöдлöны став сьöкыдö, воссöны, весиг велöдчöмын бурланö вежсьöмыс тыдовтчö. Тайö и эм шöринса уджалысьяслөн медшöр могныс. Аттё налы татшöм кывкутана да колана уджысь!



# Зильöны отсавны быдөнлы

Шöриньын воспитательён зильöны Ирина Геннадьевна Мамонтова да Лариса Викторовна Бган. Тайö кык аньыс сьёлöмсяныыс радейтöны асьыныс уджсö да пунктöны уна вын, медым челядьлы вöли гортын кодъ лöсьыд, а колöкö и, бурджык на.

Лариса Викторовна ичöтдырсяныыс окотитöма уджавны челядькöд. Со тай 13 во нин тани зильö. Ань серти, посниуловкöд ноксьöм сетö сылы вын, челядькöд пö пыр асьтö водзö восьтан, век тöдмалан мыйкö выльтор.

- *Татшöм шöриньын уджалiгөн, дерт, и мытшöдгъяс паныдасьлöны, торъя нин лёк оласнога семья-ясысь челядькöд, но воспитательён удж сы вылö и эм, медым отсавны быг кагалы,* - висьталö Лариса Викторовна.



Ирина Геннадьевна бура дыр олöма юркарын, но олöмыс вайöдöма Лöкчимдiнö. Буретш тайö кадö шöриньын уджалан места вöлöма, и со 3 во нин челядькöд зильö. Шöринса ныв-зонкöд уджын быд воспитательлөн эм аслас уджтас, а Ирина Геннадьевна пыртö посниуловлөн олöмö коми культура йылысь тöдöмлунгъяс, и оз сöмын класс жыръясын, а зильö нулыны посни войтырöс быдсикас экскурсия вылö. Со неважөн юркарса коми культура шöринö ветлöмаöсь, ёна и кажитчöма ныв-зонлы.

- *Овлö, шöриньын и сьöкыд, öг быг кага аслыспöлöс, но ми пыр зiлям кокньöдыштны налысь олöмсö да отсавны венны сьöкыдлунсö,* - кывкöрталö Ирина Геннадьевна.



**КОМИ КЫВ МЕМ ДОНА**

*Дзик на неважён «ВКонтакте» öтуввезса социальной сетълён «Сёрни-басни» котырын ([http:// vk.com / intrue](http://vk.com/intrue)) Инесса Орёл восьтис аслыспөлс флешмоб. Сылён могыс - висътавны коми войтырлы, мый чужан кыве олö, и эм уна йöз, кодлы тайö кывйыс дона.*

# «Ме коми кывсö радейта да тöда!»


Флешмобö пырöдчысьяслы колö видео вылö гижны-висътавны коми кывбур да бөрйыны кык ёртöс, кодлы вуджö эстафетной бедь. А артмём видеосö ыстыны «Сёрни-басни» котырö.

Со мый вöзйис Инесса флешмоб панигön: «Медбөрря кадö, кызди меным кажитчö, заводитчис кутшöмкö тыш коми кывкöд. Öтияс гижöны письмöяс, мый коми кыв налы эз ков, оз ков и некор оз ковмы. Мöдъяс шуöны, мый ми чужим мöд планетаын, мöд странаын, мöд регионын, и мянлы тiян коми кывныд, бара жö, некор оз ковмы. И найö ставныс вöчöны сэтшöм быг, кодi бөрти петö телевидениеын, радиоын, öтуввезйын. И тайö быг сертиыс позьö думыштны, мый мян Коми Республикаын коми кывсö некод нин оз тöд. Вайö петкöддам, мый тайö абу тадзи!»

Ноябрь 10 лунсянь флешмобö пырöдчисны дас сайö морт: на лыдын туялысь Öльöш Рассыхаев Егор пиыскöд, том йöзлы «МИ» общественной котырон веськöдлысь Яна Сажина, Коми Республикаса национальной политика министерствоын уджалысь Елена Коснырева, университетын да республикаса школаясын велöдчысьяс да уна мукöд.

Флешмобö пырöдчысьяслы коми кывбур позьö лыддыны кöть ассыд, кöть нималана гижысьяслы. Сюрöсыс - петкöдлыны коми кыв дорö ассыд радейтöмтö.

Мария ИГУШЕВА





Сё  
ДИВӨ

**«Он куж висътавны мый йылысь кö вит арöса кагалы - сідзкö, ачыд он гөгөрво» - шулывлöма Энштейн. Тайö кывъяс вылö пыксьöмön и муніс ноябрь 16 лунö юркара «Октябрь» кино петкөдлан да прöст кад коллялан шöринын наукаяслөн мөд слэм.**

## Кöрт Айка либö шыр: кодi кодöс венас?

Вит том туялысь кокниа да гөгөрвоөдöмön висъталісны асланыс удж йылысь, быдöнлы та вылö вичмөдісны сöмын 10 минут. Слэмö пырöдчысьясөн лоины: физиолог, вөр кузя специалист, лингвист, геолог да программист.

И том, и оlöма чукöртчисны залын, гөсьтъяслөн вöлі позялун чöсмасьны пöжасөн да пöсь чайöн, видзöдлыны инсталляция да ньöбны галстук-бабочка. Но сюрöсыс, дерт жö, вöлі том туялысьясöс донъялöм.

Слэм восьтіс геолог Артём Плотыцын, кодi петіс сцена вылö гитараөн.

- *Чайтанныг, мый быд геолог - тайö тошка мужичöй, кодi ворсö гитараөн? Тош менам, дерт, эм, но гитарасö мевводгзайсь киö босьті,* - шмонитіс зон да дзик пыр пуктіс инструментсö бокö.

Водзö сёрни муніс важөн нин бөрö кольöм вояс йылысь. Коркö Воркута кар местаын вölöма саридз, позьö шуны луныв курорт. Öти лёк - веськаліс кö сэтчö морт, дзик пыр эськö и лоис пажын пыдди автобус ыжда черилы. Артём жö аслас уджын ноксьö ичөтджык чериясөн - конодонтъясөн, тайö 4 сантиметр кузьта ваын олысьясыс вель ёна паськалöмаöсь Му вылын. Зонлөн хобби - чери кыйöм. А уджыс хоббиысь торъялö сöмын öти-торйөн - медым кыйны колана чери, бытён коло сывдыны кислота пиын из.

Мөдөн петкөдчис Александра Исакова. Ныв велөдчö когнитивной лингвистö. Видзöдысьяс донъялісны коми миф да предание быдлунъя оломын петкөдчöм йылысь доклад. Вöлөмкö, комилөн вель уна повзөдчана мойд да лёк герой. Александра öткодяліс преданиеяса геройясöс (Мича Райда,



Кöрт Айка да мукöд) öнiа кадын паныдасьлысь вужöсьяскөд да тöдчөдіс, мый налөн öтувъя нимъясыс оз лöсявны гижöд сюрöсыслы.

Аслас уджөн юксис и программист Дмитрий Есев. Программирование йылысь сійö эз прöста висътав, а мойдіс. Програмной код дас минут кежлö лои көвдүмön (колобокөн).

Водзö петкөдчис вөр кузя специалист Максим Ковалёв, кодi тшöтш петіс сцена вылö гитараөн, но эз нин шмонитöм ради, а збыльысь сьыліс. Вöрса пöжаръяс йылысь сьыланкывйын доклад уналы воис сьölöм вылас.

Медбөръяөн петкөдчис физиолог Михаил Гонотков: висъталіс «сьölöм синус гөрöд» синдром йылысь. Вöлөмкö, сöмын юркарын артмöма лöсьбöдны микроэлектронной техника, кодi отсалö ноксьыны шыръяслөн ичөтик сьölөмъяс вылын да отсалö унджык тöдмавны тайö висьöм йывсьысь (гашкö, коркö тайö отсалас и висьысь йöзлы?).

Доклад лыддысьясöс кывзöм бöрын заводитчис медбур висъталысьяс бөрйöм: тайö лои Максим Ковалев. Вөр кузя специалистлы вичмис боксёрлөн перчатки, кодöс сылы козьналіс воддза слэмын вермысь Ольга Сукрушева.

Мария ИГУШЕВА.



**ВОДЗМӨСТЧӨМ**

*Искусство гимназияса гырысь классъясын велөдчысьяслөн арся каникулыс таво вөлі дженьыдджык - сэки найö чукөртчылісны коммунарскöй сбор вылө. Челядълөн вит да велөдысьяслөн кык отрядö отувтчөмаяс юкисны öнiя кадся герой йылысь мөвпъясөн, зілісны гөгөрвоны, мый сiйö сэтшөмыс - шудыс, муслуныс, вежавидзөмыс.*



# Öзйыны,

# медым югзьөдны

Сбор дырйи жö нуөдісны «Чомөр» гаж - ыджыд пөртйын пуисны капуста, самөвар пузьөдісны, шаньгаөн да чериняньөн юисны чай, ворсісны, сылісны, йөктісны. Аддзисны кад и уджавны, гимназия дорысь ва нуан көрт трубаяссö эжисны.

Коммунарскöй сборыс муніс «Öзйыны, медым югзьөдны» девиз улын.



## Отнад - кынман, а отлаын - шоныд

Август помнас на, кор локтiм гимназияö, миян кураторъяс, Оля Иевлева да Катя Елдина, висьталісны, лоас пö коммунарскöй сбор. И окота лоис видзөдлыны, мый сiйö сэтшөмыс. Да и мый каникул дырйи гортад пукавны, бурджык волены сбор вылас да унджык йөзкөд төдмасыны. Ме кындзи миян 8 «г» классысь вөліны тшөтш Тася Булышева, Василиса Тарабукина да Юлия Доронина.

Отряднымлы нимсö бөрйигөн думайтiм, мед эськө нимыс «шоныд» вөлі. Вөзйылісны весиг «Гын сапöг», «Перчатки» - но кызкө абу мича быгтьö. А сэсся Вася Шучалин шуис, кепысь пö - варежки. Быд чунь торйөн кө - кынмас, а отлаын кепысьын налы - шоныд. Ставнымлы тайö кажитчис. И тайöс жö отрядъясөн төдмөдигөн асланым визиткаын петкөдлім. «Племя» отрядлөн петкөдчөм дырйи весиг серам петліс, кызди найöпельменьлы да капусталы юрбитісны. Сэки ог на вөлі төд, мыйла кевмысьöны-юрбитöны. Гөгөрвои сөмын, кор ставным зэв уна пельмень вөчим да сөйим, «Чомөр» гаж дырйи капуста пуим. Пельменьсö вөчалигөн паскөмөй пызьөссыйліс, да и няншомыс кизьөр артмис, ковмис суктөдны.

Медводдзаясь на сбор вылас вөлі, да, кор кутісны юасыны öнiя кадся герой йылысь, яндыси на висьтасыны. Та кындзи миян отряд видліс вочавидзны, мыйла гимназиянымос ми вермам асланым гортөн шуны.

«Чомөр» дырйи медводдзаясь жö на аддзылі, кызди капустасö пуоны. Самөварысь чай юим и, а ме вунөдлі нин, кор бөръяысьсö самөвар дорад чаюйтлі.

Карина ЛАЖАНЕВА







## Өни ним виччыся выльысь чукөртчылөмсö

Ме медводдзаысь на вöли коммунарской сбор вылын, и сійö отсаліс меньым мöд четверть заводитчигöн выль вын-эбöс босьтны. И сбор отсöгөн ме выль синмөн видзöдлі гимназия вылö, аддзи, мый велöдчанінын абу сöмын помтöм урок да спецкурс.

Сбор йылысь казтылөмыс сёлөмөс шонтö. Ог вунöд бир дорын орлятской кытшын сьылöмнымöс. Сэки тэ сулалан тшöтшгьяслөн кытшын да тöдан, мый орччөн тэкöд - уна бур ёрт. Кажитчисны и «гуся ёртысь» ворсöм, гажа дискотека, «Чомөр» праздник. Кажитчис и водз асылö капуста корсьны.

Уна тöдмалі да босьті аслым тöд вылö и сборлөн медтöдчана лөөмтор - öтувья творческой удж - дырйи. Сэки ми мөвпалім, кодöс позьö шуны öнія кадся геройöн, да вензим на, дорйим ассьыным видзöдласнымöс. Став отрядыс вöлі аслыспöдöс, но ме рад, мый веськалі Полиналөн да Василиналөн «Югөръясö». Окота «аттö» шуны и налы, и сборсö котыртысьяслы да сэтчö волясьяслы.

Дерт, окота вöлі унджык кад на öтлаын колявны. И ме öни ним виччыся, кор бара ставөн чукөртчам да öтувья удж кутам вöчны, öд буретш коммунарской сбор дырйи збыльысь чужö көсийöм «öзйыны, медым югзьöдны».

Лев КУЗНЕЦОВ







*Мича, югъялысь да шыльыд юрси - тайö дзик быд нывкалön аслыспöлöс озырлун, кодöс колö видзны, торъя нин кор матыстчö тöв, да юрсилы колö содтöд отсөг. Но лавкаысь шампунь да бальзам ньöбны выветі дона, а составын öтторъя химия. А вöдитчанныд-ö тi пöчъяслön вöзйöмъясөн, найö нэм чöж отсалісны нывка-яслы видзны юрсилысь мичлун. Вöзъям дасытыны да видлыны некымын маска.*

# Юрси мичлуны - пöчлön вöзйöмъяс

## Рудзөг няньысь

Рудзөг нянь торпыригалам, кыстам сы выlö зэв пöсь ва да 3 час чöж сулöдам. Артмöm мас-касö мавтам да 2 час чöж видзам юр вылын, та бöрын кольö сöмын пожъявны юрси.

## Маысь

Ичöt пань ма гудралам куим пань касторовöй выйкöд, неуна шонтам. Мавтам юрси выlö да колям час кежлö. Мöд рецепт лöсялас, юрси-ыд кö сыла: кык чипан кольк дорö содтам 2 ичöt пань ма да бара жö час кежлö колям юрси выlö.



## Чипан колькысь

Важысянь чипан кольк оз сöмын сёйны, но и мичмöдчöны сы отсөгөн. Со öти бур маскалön рецепт: стöкканлön нельö пайсö кыстам шоныд ва, содтам сэтчö чипан кольк (бурджык - сöмын вижсö) да кык пань тыр коньяк. Татшöm маска бура отсалö слаб да жебиник юрсилы.

## Шомйöлысь

Шомйöv либö выльбöv мавтны юрси выlö, видзны 20 минут чöж, а сэсса мыськавны шампуньön. А шомйöv дорö кö содтыны кык ичöt пань вый (касторовöй либö репейнöй) - артмас шемöсмöдана маска, юрси усьöm йылысь дзикöдз вунодан, сöмын видзны тайö маскасö колö бура дыр - 2 час чöж.



Кут тöд вылад, мый быдсикас турун тшötш уна буртор вайö, наөн тшöкыдджыка пожъяв юрситö, тайö сод-тас сылысь вын.

Ло мичаөн да шудаён!





«Коми йозодчан керка»  
Коми Республикаса  
автономной учреждение,  
«Йолёга» газет  
редакция.

**Адрес:**

167982, Сыктывкар,  
К.Маркс улича,  
229-öd керка,  
401-402 кабинетъяс.  
Тел. 24-12-22, 24-36-49.

**E-mail:** Yologa@mail.ru

**Веськөдлысь**  
**В.В.ПОПОВ**  
**Гл.редактор**  
**Г.В.МАКАРОВА**



Газет паньсы:  
Печать да юор сетан Коми  
Республикаса агентство.  
Регистрируйтöма  
2007 вося ноябрь 28 лунö  
йозлы юор сетом да  
культураса озырлун видзöм  
кузя оланпасъяс  
збыльмöдöм бöрся  
видзöдысь федеральной  
службалон Беломорской  
управлениеын.  
Регистрирунтан пас:  
ПИ №ФС 3-0686.  
Социальной тöдчанлуна  
гижöдъясö йозöдöма «Коми  
йозодчан керка» автономной  
учреждениеылы печать да юор  
сетан КР-са агентствоон  
вичмöдöм сьом вылö.



**Редакцияын**  
**уджалысьяс:**  
**том йозлön мытшöдъяс**  
**юкөнön веськөдлысь –**  
Мария Игушева;

**письмö юкөнön**  
**веськөдлысь –**  
Екатерина Микушева.



Медводдза лист бокас  
снимокыс  
Павел  
Симпелевлön.



Авторъяслön мөвпяяс оз  
пыр лöсявны редакциялön  
видзöдласкöд.



Тираж – 488  
Гижöдчан индекс – 52099.  
«Йолёга» газет петö  
1991-öd восянь  
вежоннас öтчюд, комиön.  
Доныс сёрнитчöмön.



Печатьö кырымалан кад:  
график серти – ноябрь  
тöлысьлön 19-öd лунö  
16 часын; кырымалöма  
печатьö 16 часын.  
Газет печатайтöма  
«Коми республиканской  
типография» ООО-ын дас  
оригинал-макетъясысь.  
167610, Сыктывкар,  
В.Савин улича, 81  
Заказ №



## Дона ёртъяс!

«Коми йозодчан керкалön» «Ордым» небöг лавка  
виччысьö тiянöс!

Миян адрес: **Сыктывкар, К.Маркс улича, 229.**



## Пыдди пуктана лыдгысьысь!

Тэ öнöдз на эн гижöдчы  
«Йолёга» вылö? Сöмын  
ёртыдысь босьтлан либö  
библиотекаын öдйö ви-  
дзöдалан лист бокъяссö?  
Абу öмöй окота, медем  
гортöдзюд воис газетюд?

Позьö нин (да и колö!)  
гижöдчыны «Йолёга» газет  
вылö локтан 2015 во джын  
кежлö.

Пошта пыр гижöдчан  
доньыс колис важ кодъыс:  
**296 шайт 88 ур.**

Индекс: **52099.**



# ВӨЛӨМКӨ

Кутшөм тшөкыда ми быдлунъя төжд-могын огө казялөй олөмын паныдасьлысь мичлун да шемөсмөдантор йылысь. А өд на дорөдз колө сөмын нюжөдчыны да инмөдчыны...Лым чир... Кутшөм мича да аслыспөлөс сийө! Вөлөмкө, сымында-тор на ми огө төдөй лым чир йылысь.

## Му ВЫЛЫН абу

## Кык өткөсүб лым чир

Туялысьяс серти, лым толалөн быд кубическөй метрын матө 350 миллион мында лым чир. И нөшта, мый медьёна шемөсмөдө, - на пөвстысь ни өти лым чир өта-мөдыскөд абу өткодь.

Став лым чирьслөн квайт пельөса мыгөр, вит пельөсаыс оз паныдасьлы (татшөмсө пө мөвпыштөмаось серпасасьсысьяс).

Японияса туялысь Накая Укитиро торйөдөма лым чирьяссө некымын группаө: пластинкаяс, «столбцы с наконечниками», кодзув кодь дендритгьяс, сюръя кодь (колонна), емгьяс да некутшөм форматөм.

Японияын жө эм (мирын дзык өти) лым чирлөн музей, коді новлө нимсө туялысь Накая Укитиролысь.

Лым чирлөн сьөктаыс - 1-3 миллиграмм.

Россияын медся ыджыд да сьөкыд лым чир аддзылөмаось 1944 вося апрель 30 лунө Москваын: найө тупкөмаось мортлысь ки пыдөс да вөлөмаось страуслөн гөн кодьось.



А мирын медся ыджыд лым чир пасйылөмаось 1887 вося январь 28 лунө Америкаса Форт-Кеоын, сылөн ыдждаыс вөлөма 15 дюйм (матө 38 сантиметр).

Эскимосьяслөн сёрниын эм 24 кыв, кодьяс отсөгөн найө вермөны висьтавыны лым усьөм йылысь, а со самгьяслөн нин та вылө эм 41 кыв.

Му шарвывса джын олысьыс некор ас синмөн абу аддзылөмаось збыльвывса лым чир.

Лым чир артмө 95% сынөдысь да сөмын 5% ваысь.

Лым чир артмө руысь, зэр улө веськавтөг - тайөс туялөм могысь Америкаса туялысьяс видзөмаось 26.400.000 доллар.

Ва вылө усигөн лым чир «сьылө» - артмөдө аслыспөлөс шы, кодөс оз вермы кывны морт. А со черияслы, туялысьяс серти, тайө шыыс ньөти оз кажитчы.